

## Послание 5-е

- Сие послание списано рачительно,  
 Пожаловати почести тако же любительно.  
 \*Государеву-цареву<sup>б</sup> именитому ближнему его предстоятелю,  
 О божественных догматах крепкому прилежателю.
- 5 Спощенному убо от бога пречестным отечеством,  
 Порожденному же законным венечеством.  
 От благого паки корене происшедшему,  
 Добрым же тем разумом и смыслом процветшему.  
 Афинейския убо премудрости сладко есть слышати,
- 10 Разумна же мужа и везде дивно есть видети.  
 Юхают убо в полях и наслаждаются благово князя цветы,  
 Како же наудивляются мудрых мужей советы.  
 Ничто же бо их есть честнейши,  
 Яко самыя красоты бывають дивнейшии.
- 15 Зрети убо красота и лепота прелестно,  
 Юже зряй с похотию умирает безвестно.  
 А мудроумна мужа разум живот и свет,  
 Людие же призывают его в добрый совет.  
 Источник сладок беседа с премудрым,
- 20 Подобаеи будет и слышатель мудрым.  
 Юродство есть воистинну премудрым мужем досаждати,  
 Не умеющему ничего же самому себе мудра и разумна вменяти.  
 И паки: муж неискусен ни единому слову достоин,  
 Како же убо ум сего и премудрым будет пристоин.
- 25 И ничто паки неразумному и горделивому будет свойство,  
 Токмо бы сотворити ему клевету своему завистное братоубойство.  
 И тебе бы, государю, таковому злomu обычаю не ревновати,  
 Чист бы разум свой и смысл от того держати.  
 Юза убо крепка мудра мужа свой добрый ум,
- 30 Много же умиляет и самый нелепый шум.  
 Ничтоже паки разумна мужа дражайши,  
 О еже бо бываеи некогда и самаго богатства множайши.  
 Глагол<sup>в</sup> убо багатаго всем людем сладок и приятен являеи,  
 Обаче и мудра мужа  
 разум от многих восхваляеи.
- 35 Глаголание убо свое почасту к нам простираеши,  
 Ревность же убо и жалованье свое к нам недостойным являеши.  
 Есть же вкратце слово к твоему благоразумию рещи,  
 Что широты божественного писания никому же не претесеи.  
 Но токмо по твоему великому жалованью тако нас нарицаеши,
- 40 А свое умение и разумение уничтожаеши.  
 Хрусалиф убо камык яко злато есть видением,  
 Сприличилс яже тому и ты своим разумением.  
 Аще ли будет и не до конца премудрости научен,  
 Но воистинну благоутробием и смирением от бога почтен.
- 45 Аще ли ты, государь, возмнитца, что лестно изрековаем,  
 Творец наш и бог зритель, что всю правду изрицаем.  
 И еще к тебе, государю своему, притецем,  
 И к твоему благоразумию рцем.  
 Щедрый государь наш бог Иисус Христос зрит

л. 192 (273)

л. 192 об.  
(л. 273 об.)

л. 193 (274)

<sup>а-б</sup> Испр.; в ркп. государству-царству.    <sup>в</sup> Испр.; в ркп. глаголю.